
Байрам арафасида яна бир савдо мажмуаси иш бошлади

Бугун “Катта янги” маҳалласида жойлашган яна бир савдо мажмуаси ўз фаолиятини бошлади.

Кенг турдаги сифатли озиқ-овқат ва бошқа маҳсулотлар савдо марказининг очилиш тадбирида туман ҳокими Жаҳонгир Жуманов иштирок этди.

Кенг жамоатчилик қатнашган тадбирда дўкон масъуллари томонидан туман раҳбари ва йиғилганларга савдо хажми, унинг мақсад ва қадриятлари ҳақида маълумотлар берилди.

Қайд этилишича бугунги кунда аҳолининг сифатли озиқ-овқат ва бошқа турдаги маҳсулотларга бўлган кўплаб талаблари қишнинг совуқ, ёзнинг иссиқ кунларида узоқ масофани босиб ўтмаган ҳолда мазкур мажмуада таклиф этилади.

Маълумот ўрнида, туманда шу йилнинг 11 ойи давомида чакана савдо айланмаси 287.0 млрд сўмни ташкил этди. Шу жумладан, йирик савдо корхоналари 6,6 млрд сўм, ўсиш суръати йилнинг мос даврига нисбатан 113.6 %, кичик бизнес ва хусусий тадбиркорлик 276,7 млрд сўм қайд этилди.

2023-12-25 17:12:59